

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» փետրվարի 2015թ.

N-----Ա

ՈՐՈՇՈՒՄ

**ԱՐՏՅՈՄ ԳԵՎՈՐԳՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝

Երևան քաղաքի ավագանին որոշում է.

Տալ համաձայնություն ականավոր պետական գործիչ, վաստակավոր ինժեներ Արսյոմ Գևորգյանի հիշատակը հավերժացնող հուշատախտակը Սարմենի փողոց հ. **62** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ԱՐՏՅՈՄ ԳԵՎՈՐԳՅԱՆԻ ՀԻՇԱՏԱԿԸ ՀԱՎԵՐԺԱՅՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Ականավոր պետական գործիչ, վաստակավոր ինժեներ Արտյոմ Գևորգյանը ծնվել է **1923թ.**:

1952-1961թթ. եղել է ՀԽՍՀ Կոմկուսի Կենտկոմի արդյունաբերության և տրանսպորտի բաժնի վարիչ, **1961-1970 թթ.**՝ ՀԽՍՀ Պետպլանի նախագահի առաջին տեղակալ, **1963թ.**՝ ՀԽՍՀ մինիստր: **1970-1987 թթ.** զբաղեցրել է ՀԽՍՀ թեթև արդյունաբերության մինիստրի պաշտոնը: **1987թ.** միութենական նշանակության թոշակառու էր:

27 տարի անընդմեջ Արտյոմ Գևորգյանը եղել է ՀԽՍՀ Գերագույն Սովետի **6-11** գումարումների դեպուտատ, գիտատեխնիկական ընկերությունների Համամիութենական խորհրդի անդամ, ԽՍՀՄ թեթև արդյունաբերության գիտատեխնիկական ընկերության պատվավոր անդամ, ԽՍՀՄ ժուռնալիստների միության անդամ:

Բազմաթիվ աշխատությունների և հոդվածների հեղինակ է:

Արտյոմ Գևորգյանը Հայրենական մեծ պատերազմի վետերան է: Պարգևատրվել է պետական մի շարք շքանշաններով և մեդալներով՝ Հայրենական պատերազմի **1-ին** աստիճանի, Աշխատանքային կարմիր դրոշի երեք և «Պատվո նշան» երկու շքանշաններով, ինչպես նաև բազմաթիվ պատվոգրերով:

Արտյոմ Գևորգյանը մեծ վաստակ ունի Հայաստանի արդյունաբերության բազմաթիվ տնտեսական լայնածավալ խնդիրների լուծման և, հատկապես, թեթև արդյունաբերության զարգացման գործում:

Արտյոմ Գևորգյանը մահացել է **2013թ.**:

Արտյոմ Գևորգյանի հիշատակը հավերժացնող հուշատախտակը Երևան քաղաքի Սարմենի փողոց հ. **62** հասցեում փակցնելու վերաբերյալ միջնորդություն է ներկայացվել ՀՀ Էկոնոմիկայի նախարարության կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31-ի** «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2-րդ** կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԱՐՏՅՈՄ ԳԵՎՈՐԳՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Արտյոմ Գևորգյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

«ԱՐՏՅՈՄ ԳԵՎՈՐԳՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Արտյոմ Գևորգյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ